

Ikiaroorartunik sakkortuunik eqqusseriartunut, tuniniaasunullu pineqaatissiisernerup sakkortunerulernissaa pillugu Naalakkersuisut 2023 naatinnagu Naalagaaffimmut saaffiginnissuteqarnissaannik Inatsisartut aalajangiiffissaattut siunnersuut

Aqqalu V. Jerimiassenimit saqqummiunneqartoq

pillugu

Inatsisinut Ataatsimiititaliap

siunnersuutip aappassaaneerneqarneranut

ISUMALIUTISSIISSUTAA

Ataatsimiititaliap kingullermik suliarinninnermini ilaasortarai:

Inatsisartunut ilaasortaq Anders Olsen, Siumut, siulittaasoq

Inatsisartunut ilaasortaq Hans Enoksen, Naleraq

Inatsisartunut ilaasortaq Harald Bianco, Inuit Ataqtigiit

Inatsisartunut ilaasortaq Asii Chemnitz Narup, Inuit Ataqtigiit

Inatsisartunut ilaasortaq Kuno Fencker, Siumut

UPA2023-mi ulloq 16. maj siullermeerinninnerup kingorna ataatsimiititaliap siunnersuut misissorpaa.

Siunnersuutip imarisaa siunertaalu

Siunnersuut malillugu ikiaroorartunik sakkortuunik eqqusseriartunut, tuniniaasunullu pineqaatissiisernerup sakkortunerulernissaa pillugu Naalakkersuisut 2023 naatinnagu Naalagaaffimmut saaffiginnittussaasimapput. Tamatumani ikiaroorartunik taamaattunik atonerluinerup pinaveersimatinneqarnissaa siunertarinearpoq, tassa Nuummi Ilulissanilu mittarfissuit ammarpata tamatuma annertuneruleratarsinnaanera aarleqqutigineqarmat.

Siunnersuutip Inatsisartunit siullermeerneqarnera

Inatsisartunit siullermeerneqarami aalajangiiffigisassatut siunnersuut Inatsisinut Ataatsimiititaliamut innersuunneqarpoq. Pineqaatissiisernerup sakkortunerulernissaannik siunnersuut inunnut

ikiaroorartunik sakkortuunik eqqusseriartunut tuninisaasunullu taamaallaat sammitinnagu aammali inunnut tunuliaqutaasunut sammitinneqarnissaa tassunga atatillugu kaammattuutiginerqarpoq. Aammattaq pineqaatissiisernerit sakkortunerulersinneqassappata Kalaallit Nunaanni pinerluttulerinermik inatsiseqartitsinermi aalajangiisuusumik tunngaviit ataqqineqarlutik tamanna pissasoq erseqqissaatigineqarpoq.

Naalackersuisut imaattumik allannguutissatut siunnersuuteqarput:


Ikiaroorartunik sakkortuunik eqqussisartunut tuniniaasunullu, aamma unioqqutitsinernut taakkununga inuit tunuliaqutaasut pillugit, pineqaatissiisernerit sakkortunerulernissaat pillugu Naalackersuisut 2023 naatinnagu Naalagaaffimmut saaffiginnissuteqarnissaannik Inatsisartut aalajangiiffigisassaattut siunnersuut.

Ataatsimiititaliap siunnersuummik suliarinninera

Inuiaqatigiinni hashimik atornerluineq inuppassuarnut inooqataanikkullu alianartorpassuarnik kinguneqartumik qangaaniilli erloqissutaamat ataatsimiititaliamit oqaatigineqassaaq. Tamatumani saniatigut hashi arsaarinnissutigineqartartoq annertusiartuaarpoq, tamannalu atuinerup sulii annertusiartorneranut takussutissaasinnaavoq. Kalaallit Nunaannili manna tikillugu ikiaroorartut sakkortuut annertuumik sulii atugaalersimangillat.

Ikiaroorartulerineq

3.1 Hashi arsaarinnissutaasoq kilograminngorlugu



3.2 Ikiaroorartut pillugit inatsimmik unioqqutitsinerit nalunaarsorneqartut amerlassusaat, kiisalu annertussusaat, 2023

Politeeqarfik	Suliat amerlassusaat	Haship/skunkip graminngorlugu annertussusaa	Ikiaroorartuq alla	Aningaasat arsaarinnissutaasimasut
Nanortalik	2	57,00		221,50 kr.
Qaqortoq	19	1179,19	100 LSD frimærker 22 ritalinpiller	33.908,00 kr.
Narsaq/Narsarsuaq	15	921,10		1.600,00 kr.
Paamiut	12	70,42		33.500,00 kr.
Nuuk	243	33819,42*	212,61 g. kokain	3.231.799,00 kr.
Tasiilaq	7	230,85		30.800,00 kr.
Ittoqqortoormiit	2	35,00		0 kr.
Maniitsoq	26	1114,90		62.903,00 kr.
Kangerlussuaq	155	43515,36	226 g. kokain 13,5 g. svampe 15 ml. steroider	1.159.900,00 kr.
Sisimiut	26	6969,28	4 stk. motiron receptpligtige piller	8.000,00 kr.
Aasiaat	35	2430,00	0,2 g. kokain	27.243,50 kr.
Qeqertarsuaq	3	190,00		0 kr.
Qasigiannuguit	2	159,7**		0 kr.
Ilulissat	23	3.375,04	39,1 g. amfetamin 0,81 g. kokain 100 ml. CBD olie	138.213,00 kr.
Uummannaq	6	1256,20		0 kr.
Upernavik	3	585,00		0 kr.
Pituffik	0	0		0 kr.
Qaanaaq	1	28,5		0 kr.
Katillugit	580	95.936,96		4.728.088,00 kr.

*Suliani 580-iusuni 46-t iisimalluni anngiortumik eqquassinertut nalunaarsorneqarsimapput (bodypackers).

**33805,85 g. hash, 13,57 g. skunk

***100,7/159,7 THC'unani HHC'lik. HHC THC'miit tamikkut sunniisamera sakkukinneruvoq (psykoaktiv).

Tigusiffik: Kalaallit Nunaannit Politiit, Ukiumoortumik kisitsisit 2023

Hashimik ikiaroorartunillu sakkortuunik eqqusseriartunut pineqaatissiissutsit qaffasis-susiat

Hashi

- 0 - 25 g: Ulluni 7-ini piumasaqaatitalimmik ukiumi ataatsimi atuuttussamik pineqaatissiineq gramimullu ataatsimut 100 kr. naapertorlugu anner-tussusilimmik akiligassiineq.
- 25 - 50 g: Ulluni 14-ni piumasaqaatitalimmik ukiumi ataatsimi atuuttussamik pineqaatissiineq gramimullu ataatsimut 100 kr. naapertorlugu anner-tussusilimmik akiligassiineq.
- 50 - 75 g: Ulluni 20-ni piumasaqaatitalimmik ukiumi ataatsimi atuuttussamik pineqaatissiineq gramimullu ataatsimut 100 kr. naapertorlugu anner-tussusilimmik akiligassiineq.

75 - 100 g:	Ulluni 30-ni piumasaqaatitalimmik ukiumi ataatsimi atuuttussamik pineqaatissiineq gramimullu ataatsimut 100 kr. naapertorlugu annertussusilimmik akiligassiineq.
100 - 300 g:	Ulluni 30 – 40-ni piumasaqaatitalimmik ukiumi ataatsimi atuuttussamik pineqaatissiineq gramimullu ataatsimut 100 kr. naapertorlugu annertussusilimmik akiligassiineq.
300 – 500 g:	Ulluni 40 – 60-ini piumasaqaatitalimmik ukiuni marlunni atuuttussamik pineqaatissiineq gramimullu aaatsimut 100 kr. naapertorlugu annertussusilimmik akiligassiineq.
500 – 800 g:	Ulluni 60-ini – qaammatini 4-ni piumasaqaatitalimmik ukiuni marunni atuuttussamik pineqaatissiineq gramimullu ataatsimut 100 kr. naapertorlugu annertussusilimmik akiligassiineq.
800 – 900 g:	Qaammatini 3-ni pinerluuteqarsimasunut inissiisarfimmiittussanngortinneqarneq.
900 – 1000 g:	Qaammatini 3 – 4-ni pinerluuteqarsimasunut inissiisarfimmiittussanngortinneqarneq.
1 – 1,5 kg	Qaammatini 4 – 5-ini pinerluuteqarsimasunut inissiisarfimmiittussanngortinneqarneq.
1,5 – 2 kg	Qaammatini 5 – 8-ni pinerluuteqarsimasunut inissiisarfimmiittussanngortinneqarneq.
2 – 3 kg	Qaammatini 8 – 12-ini pinerluuteqarsimasunut inissiisarfimmiittussanngortinneqarneq.
3 – 5 kg	Ukiuni 1 – 1,5-ini pinerluuteqarsimasunut inissiisarfimmiittussanngortinneqarneq.
5 – 8 kg	Ukiuni 1,5 – 2-ni pinerluuteqarsimasunut inissiisarfimmiittussanngortinneqarneq.
8 – 10 kg	Ukiuni 2 – 2,5-ini pinerluuteqarsimasunut inissiisarfimmiittussanngortinneqarneq.
10 – 20 kg	Ukiuni 2,5 – 3,5-ini pinerluuteqarsimasunut inissiisarfimmiittussanngortinneqarneq.
20 – 50 kg	Ukiuni 3,5 – 4,5-ini pinerluuteqarsimasunut inissiisarfimmiittussanngortinneqarneq.
50 kg taakkulu sinnerlugit:	Ukiuni 4,5-ini taakkulu sinnerlugit.

Kokain

Haship akerlianik ikiaroorntut sakkortuut eqqarsaatigalugit pineqaatissiinerup qaffasissusis-saa ataatsimut isigalugu nassuiarneqarsinnaangilaq, suliassat taakkununga attuumassutillit

ikittuinnaammata. Ukiut marluk kingulliit eqqarsaatigalugit suliat marluk matuma kinguliani allassimasut kisimik oqaatigineqarsinnaapput:

GLD2022.05.04: Matumani unnerluutigineqartoq Danmarkimit Kalaallit Nunaannut timmisartumut ilaalluni kokainimik 60 gramimik hashimillu 70 gramimik tunniussinissamik siunertaqarluni eqqussisimanerminut ukiumi ataatsimi qaammatinilu arfinilinni pineqaatissinneqarsimasunut inissiisarfimmiittussanngortinneqarluni eqqartuussivimmit pineqaatissinneqarpoq. Pineqaatissiissut Nunatta Eqqartuussivianit sakkortunerulersinneqarpoq ukiumi ataatsimi qaammatinilu qulingiluani pineqaatissinneqarsimasunut inissiisarfimmiittussanngorlugu.

KRD2023.08.14: Unnerluutigineqartoq timmisartumut ilaalluni kokainimik 156 gramimik iisiluni tunniussinissamik siunertaqarluni eqqusseriaraluarnernerminut ukiuni sisamani pineqaatissinneqarsimasunut inissiisarfimmiittussanngortinneqarluni eqqartuunneqarpoq. Suliaq nassuernertert ingerlanneqartoq pineqarpoq.

Tigusiffik: Kalaallit Nunaanni Politiit

Nuummili Ilulissanilu piffissami ungasinngitsumi mittarfissuit nutaat ammartussaapput. Tamatumunnga atatillugu hashimik kiisalu nutaatut ikiaroorartunik sakkortuunik eqqusseriarnerit tuniniaanerillu annertuseriarnissaannut aarleqquteqarnissamat tunngavissaqarpoq.

Taamaattumik ikiaroorartunik sakkortuunik eqqusseriarnernut tuniniaasarnernullu pineqaatissiisarnert sakkortunerulersinnissaat siunnersuummi matumani anguniarneqarmat tamanna piffissaagallartillugu iliuuseqarnerussasoq ataatsimiititaliaq isumaqarpoq.

Siunnersuut kissaatigineqartutut sunniuteqarsinnaaqqullugu inunnut tunuliaqutaasunut pineqaatissiinerit aamma sakkortunerulersinneqartariaqartut ataatsimiititaliaq aammattaaq isumaqarpoq.

Aammattaaq taamaattoqassappat pineqaatissiinerit sakkortunerulernissaat matumani pineqartoq Kalaallit Nunaanni pinerluttulerinermik inatsiseqartitsinermi aalajangiisuusumik tunngaviit, tamatumunngalu ilanngullugit pinerluuteqarsimasut innuttaasunut ilaalersinneqarnissaannik kiissaateqarneq ataqqillugit pissasoq ataatsimiititaliamit erseqqissumik oqaatigissallugu pingaartinneqarpoq.

Ikiaroorartunik eqqussuineq tuniniaanerlu matuma kinguliani allassimasut naapertorlugit malleruagassiorneqarput:

- Ikiaroorartut pillugit Inatsisartut inatsisaat nr. 24, 25. november 2022-meersoq.

- Ikiaroorartut pillugit Namminersorlutik Oqartussat nalunaarutaat nr. 40, 23. december 2022-meersoq.

Unioqutitsinerit Kalaallit Nunaanni pinerluttulerinermi inatsit naapertorlugu pineqaatissinneqarnermik inatsiseqarnikkullu allatut kinguneqaateqartitsinerimik nassataqarsinnaapput.

Kiisalu isumaliutissiissutip sivilisuumik suliarineqarsimanera, taamaattumillu Naalakkersuisut qaqugu naalagaaffimmut saaffiginnissanersut maannangaaq isumaaruttoq kinguartinneqartariaqartorli ataatsimiititaliamit arajutsisimaneqanngilaq.

Siunnersuutip aningaasaqarnikkut kingunerisassai

Aalajangiiffigisassatut siunnersuutip piviusunngortinneqarnerani aningaasaqarnikkut allaffisornikkullu kingunerisassat siunnersuutip tunngavilersuutitaani nassuiaatigineqartassatut Inatsisartut suleriaasianni § 33, imm. 1-imi allassimavoq.

Siunnersuutilli piviusunngortinneqarnerani aningaasaqarnikkut kingunerisassat nassuiarneqarnerat tamakkiisuosorinangilaq. Taamaattumik siunnersuutip piviusunngortinneqarnera aningaasaqarnikkut kinguneqassanersoq ataatsimiititaliamit isumaliutigineqarsimavoq. Tunngavissat pigineqartut tunngavigalugit qiutiusumik allaffeqarfimmi AC-mut ukiup affaani sulussumut 250.000 kr.-inik atuisoqarnissaa naatsorsuutigineqartariaqarpoq.

Ataatsimiititaliap inassuteqaatai

- Allannguutissatut siunnersuutini allanik matumani kinguliani taaneqartunik saqqummiussisoqarnissaanik ataatsimiititaliami amerlanerussuteqartut kaammattuutaata Naalakkersuisunit akuersaarneqarnissaa naatsorsuutigalugu aalajangiiffigisassatut siunnersuut allannguutissatut siunnersuummik Naalakkersuisunit saqqummiunneqartumik ilaqartoq akuerineqassasoq ataatsimiititaliamit isumaqatigiittumit inassutigineqarpoq.
- Naalakkersuisut allannguutissatut siunnersuutini allanik saqqummiusseqqullugit ataatsimiititaliamit isumaqatigiittumit kaammattorneqarput, taamaaliornikkut Naalakkersuisut naalagaaffimmut saaffiginninnissaannut ulluliussaq 2024-p naannginneranut allanngortinneqaqqullugu.

Ataatsimiititaliap taama oqaaseqaateqarluni isumaliutissiissummilu allassimasutut paasinnil-
luni siunnersuut aappassaaniigassanngortippaa.

Anders Olsen
Siulittaasoq

Hans Enoksen

Harald Bianco

Asii Chemnitz Narup

Kuno Fencker